



## Konprann Pwen Enpòtan SSI: Elijiblite Pwolonje pou Medicaid pou Moun K ap Travay (Seksyon 1619(b))



### Sa k ap pase pou Medicaid mwen si mwen al travay?

Nan pifò ka yo, si w [enfim oswa avèg](#), kèlkeswa laj ou, epi ou gen Medicaid anvan w al travay, Medicaid ou ap kontinye pandan w ap travay la toutotan ou toujou nan kondisyon enfimite a.

### Si benefis SSI mwen sispann akòz kantite lajan m ap touche, èske mwen toujou ka kontinye jwenn Medicaid?

Nan pifò ka yo, ou ka kontinye Medicaid ou menm si w touche twòp lajan pou resevwa yon benefis SSI pa mwa toutotan:

- ▶ ou toujou [enfim oswa avèg](#); epi
- ▶ ou satisfè tout [kondisyon elijiblite SSI](#), sof pou kantite lajan w ap touche; epi
- ▶ ou te elijib pou resevwa yon peman SSI regilye an kach pandan omwen yon mwa anvan w te vin elijib dapre [Seksyon 1619](#) Lwa sou Sekirite Sosyal; epi
- ▶ ou te elijib pou pwoteksyon Medicaid nan mwa anvan w te vin elijib anba [Seksyon 1619](#); epi
- ▶ ou ka kontinye ap resevwa Medicaid pou w ka travay; epi
- ▶ ou pa touche ase lajan pou ranplase benefis SSI ou an kach, benefis Medicaid ou, ak swen pèsònèl oswa swen leta finanse oswa swen apa ki ta ka pèdi akòz salè ou.

### Kantite selon Leta

Kantite lajan ou ka touche epi ou ka toujou resevwa Medicaid pa menm nan chak Eta. Nou ka di w kisa akantite a ye nan Eta kote w ap viv la oswa ou ka ale nan wèbsayt, [Continued Medicaid Eligibility \(Section 1619\(B\)\)](#).

Si salè ou pi plis pase kantite sa a, men ou genyen depans spesyal pou travay ou oswa depans medikal, ou ka toujou kalifye pou Medicaid.